

**Qinngornerit ioninngortitsisartut pillugit aamma qinngornernut illersuuteqarnissaq pillugu Inatsisartut Inatsisaannut nr. xx, ulloq xx. xx 2015-imeersumut siunnersuut**  
(Peqqissutsimut Naalakkersuisoq)

**Saqqummiussinermut allakkiaq**  
(Peqqissutsimut Naalakkersuisoq)

**Siullermeerneqarnera**

Matumuuna Naalakkersuisut sinnerlugit Qinngornerit ioninngortitsisartut pillugit aamma qinngornernut illersuuteqarnissaq pillugu Inatsisartut Inatsisaannut nr. x, ulloq xx. xxx 2015-imeersumut siunnersuut saqqummiuppara.

Naalakkersuisut inatsisissamut siunnersuut aqutugalugu ataatsimoortumik qinngornernut illersorneqarnissaq innutaasunut tamarmiusunut tunngatillugu malittarisassiuuniarpaat aamma peqqinnissaqarfiup røntgenimi napparsimavinni aamma kigutileriffinni atuisarneranut tunngatillugu.

Taamatut malittarisassiuussinermut ilutigitillugu naalakkersuisooqatigiinnermut isumaqatigiissut eqqortinneqassaaq tamatumalu kingorna uranimik piianeq aatsaat pisinnaalissaaq inatsimmi killiliussatut piunasaqaatit inissinneqareerpata aamma eqqortinneqarpata. Innersuussutigineqarput Det Internationale Atomenergi-agenturip (IAEA) isumannaallisaanermut tunngatillugu maleruqqusaliaasa eqqortinneqarnissaat. Taamaalilluni inatsisissamut siunnersuummut matumunnga piffissarititaasup nalaani nunat tamalaat akornanni isumaqatigiissutinut arfinilinnut Kalaallit Nunaata nangaassutiginninnerata atorunnaarsinneqarnissanut aalajangiiffigisassatut siunnersuut taparserneqassaaq, tamatumunnga tunngasumik Inuussutissarsiornermut, Suliffeqarnermut, Niuernermut aamma Nunanut allanut Naalakkersuisoq ukuiunerani ataatsimiinnermi matumani saqqummiussissaaq.

Tamatuma saniatigut Naalakkersuisut Inatsisartut 2015-imi upernaakkut ataatsimiinneranni siunnersuummik saqqummiussippat, ataatsimiinnermi matumani nangillugu oqaluuserineqartussamik: Nioqqutissanik eqqussuineq annissuinerlu pillugit Inatsisartut inatsisaata allanngortinneqarneranik Inatsisartut Inatsisissaannut nr. x, xxx 2015-imeersumut siunnersuummik. (Timmisartuutileqatigiiffiit ilaasui pillugit paasissutissat atortutigut elektroniskiusutigut takuneqarsinnaanissaat kiisalu akitsuuserisut inunnik scannerillutik misissuisinnaanissaat) tassani timimik scannerineq røntgen iluaqutugalugu ingerlanneqartassaaq.

Inatsisissatut siunnersuummi qinngornernik ioninngortitsisartunik atuneq ataatsimoortumik malittarisassiuunneqarpoq, imaangippat pineqartoq aalajangersimasoq inatsimmi ilanngunneqassanngitsutut immikkut pineqarsimangippat imaluunniit tiguneqarsimangippat. Inatsisissatut siunnersuummi aalajangersarneqarput tunngaviusumik ileqqussat qinngornernik atuinermut aamma sunniuteqartitsinermut tunngasut tamarmik, tassa peqqissutsimut, aningaasaqarnermut aamma inuiaqatigiinnut tunngasut imaluunniit

qinngortitsinermi iluaqutaasinnaasut allat tamatumunnga tunngatillugu nalorninartut sanilliunneqassasut.

Inatsisissatut siunnersuut maanna inatsisitut killiliussaasutut suliarineqarpoq aamma Naalackersuisunut piginnaatitsissutit nalunaarutit aqputigalugit piviusunngortinneqassapput, tassani aalajangersarneqassapput qinngornernik ioninngortitsisartunik, qinngornernut illersorneqarnissamut aamma røntgenimik atuinermi malittarisassaliat.

Tamatumunnga ilutigitillugu siunertarineqarpoq nalunaarutit aqputigalugit malittarisassaliornikkut qulakkeerneqassasoq nunat tamalaat akornanni maleruagassat nalinginnaasut aamma pitsaanerpaamik iliortarnissamut maleruagqusat Kalaallit Nunaata eqqortissagai.

Taamatut oqaaseqarlunga inatsisissatut siunnersuut Inatsisartuni akuersaartumik oqaluusereqqullugu tunniuppara.